

宋朝大詔令集

宋朝大詔令集卷第一

帝統一

即位

太祖即位赦天下制建隆元年正月乙巳

門下五運推移上帝於焉降命三靈改卜王者所以膺圖朕起自側
微備嘗艱險當周邦草昧從二帝以徂征洎虞舜陟方朔嗣君而纂
位但罄一心而事上敢期百姓之與能屈以北敵侵疆邊民罹苦朕
長驅禁旅往殄烽塵旗鼓纒出於國門將校共推於天命迫回京闕
欣戴眇躬幼主以麻教有歸尋行禪讓兆庶不可以無主萬幾不可
以曠時勉徇群心已登大寶昔湯武革命發大號以順人漢唐開基
因始封而建國宜國號大宋改周顯德七年為建隆元年乘時撫運
既協於詠謠及物推恩宜周於華夏可大赦天下云云於戲莘故湯

新皇祚初膺於景命變家為國鴻恩宜被於衆區更賴將相王公同心協力共裨寡昧以致昇平凡百軍民深體朕意

太宗即位赦天下制開寶九年十月乙卯

門下王者總統承祧所以嗣神器即哀順變所以寧萬邦顧歷代之通規諒舊章而可法先皇帝勤勞啓國宵旰臨朝萬幾靡倦於躬親四海方成於開泰念農民之疾苦知戰士之辛勤多墨畫平生靈永逸而寒暄適厲寢疾彌留方臻假革之期遽起遺弓之歎環以神器副予冲人遵理命而莫獲固辭涉大川而罔知攸濟負荷斯重攀號莫任宜覃在宥之恩俾洽惟新之澤可大赦天下云云恭惟先皇帝推誠損己焦思勞神念將士之忠勤知戰伐之辛苦衣糧祿賜無非經手經心土地官封不惜酬功酬效生靈是念稼穡為憂罷非理之差徭去無名之侵耗不貪口日盡去奢華減後宮穴食之人停諸司

不急之務方岳止甘鮮之育殿庭碎珠玉之珍獄訟無冤刑戮不濫
九開物務盡立規繩予小子繼紹玉基恭稟遺訓仰承法度不敢踰
違更賴將相公卿左右前後恭遵先旨同守成規庶俾沖人不墜鴻
業宣布遐邇咸使聞知

真宗即位赦天下制至道三年四月

門下創業垂統予以貽後昆嗣位承祧予以紹前烈為股肱之元首
俾億兆之宅心洪惟永圖屬在明辟夫何涼德享是至休先皇帝膺
籙上元受遺太祖臨馭迨踰於二紀憂勤遂冠於百王無一日不舉
皇綱無一事不親聖覽宵衣旰食焦思勞神禹跡混同方致太平之
運堯心不倦俄興弗豫之災棄大寶以上仙付沖人之神器仰遵顧
命下迫推崇若涉大川因知涯涘勉負荷統畏交并宜凜作解之
恩聊展奉先之意可大赦天下云云恭念先朝庶政盡有成規謹守

奉行不敢失墜所宜開諫諍之路拔茂異之材錄寡無告之民悉令
安泰動植有生之類莫獲昭蘇庶幾延宗社之鴻休呂天地之和氣
更賴中外百執左右蓋臣各罄乃誠輔茲不逮布告遐邇咸使聞知
仁宗卽位赦天下制乾興元年二月二十日

門下惟天輔德所以司牧黔黎惟后守邦所以奉承緒業稽三代傳
歸之典寔百王善繼之規洪惟先皇帝紹二聖之玉圖膺三靈之眷
命仁臨區宇澤浸昆蟲誕揚清靜之風聿致和平之治焦勞虔享二
紀于茲適興憑几之言遂起造弓之恨肆予眎質俾荷慶基願殞越
以無容且哀荒而在疚適屬承祧之始宜覃在宥之恩可大赦天下
云云恭念夙侍聖顏備承寶訓凡百機務盡有成規謹當奉行不敢
失墜更賴宗工良佐中外具僚咸竭乃誠以輔不逮布告遐邇咸使
聞知

英宗即位赦文 嘉祐八年四月癸酉

門下烝民之生置君為之司牧神器之重有子所以傳歸先皇帝天
資慈仁聖德深厚臨御歲踰於三紀憂勤自攬於萬幾常旰食以忘
勞因晦明而造厲寢違冲讓遂至彌留遠興泥丸之言念及承祧之
寄猥以大業屬于冲人永惟負荷之艱矧在疾速之次固知攸濟祇
率舊章宜覃在宥之恩式表奉先之志可大赦天下云云恭念夙奉
慈顏備聞聖訓在于庶政悉有成規惟謹奉行罔敢廢失更賴中外
多士左右忠賢各盡乃誠以輔台德布告遐邇咸使聞知

神宗即位赦

治平四年正月九日

門下夫民之戴君尊如元首之奉天之與子傳有神器之歸先皇帝
紹履至尊欽篤先烈圖治百王之上垂精五載之間玉几留章每及
夜分之覽紫闈訪道多踰日旰之咨既寤寐之積屋因寒暄之造厲

神機未鑿遽至彌留之憂邦祚何勝已聞遺訓之託屬哀荒之靡次
顧負荷之惟艱茫然自思浩莫能濟且本承祧之始用覃澤物之私
可大赦天下云云恭念先朝之纂具循四聖之業雖寡德之未類敢
舊章之或隳尚覲宗社墮靈忠賢合慮以固鴻圖之守以安寶命之
承咨爾萬方其體朕意

哲宗即位赦 元豐八年三月己亥

門下生黎民而立之君所以出四方之令有天下而傳於子所以維
萬世之安先皇帝道極聖神德兼文武圖治三王之上儲精七閩之
間緝熙事功董正法度積勤勞於日昃遠冲豫于春元植璧以歸方
致金滕之禱綴衣遺設忍聞玉几之言眷予冲人屬以重器永荷艱
難之託曷勝哀疚之懷宜謹始于承祧用渙恩而及物可大赦天下
云云恭念先朝之治必循五聖之謀思祇率於舊章用答揚于先訓

尚賴中外列辟左右忠賢交修厥官以輔予治布告遐邇咸使聞知

徽宗即位赦元符三年正月庚辰

門下朕承先帝之末命嗣累聖之丕圖若履淵水未知攸濟先皇帝
睿明聰哲克勤于邦遵志揚功篤紹先烈十有六載海内蒙休憂勞
與和遂至大漸乃以神器屬于冲人負荷惟艱怵惕以懼用謹承祧
之始肆頒在宥之恩可大赦天下云云 恭念元豐詒謀紹聖遺訓具
在天下可舉而行惟既厥心罔敢廢失其率循于天下用奉若于先
王更賴忠良盡規文武合慮永弼乃后共圖康功咨爾萬邦體予至
意

誕節

宰臣等請立長春節表建隆九年正月己未

伏聞軒帝生於壽邱發繞樞之異夏禹誕于石紐流貫鼎之祥莫不

炳煥靈符延長寶曆諒惟聖德允叶昌符伏惟皇帝陛下稟天地之
英挺龍鳳之表艱難報業揖讓興邦豈可使姚墟啓聖之辰未新嘉
節里社呈祥之日有關稱賜臣等不勝大願請以二月十六日為長
春節群臣上壽百司休假如式從之

案臣等請立乾明節表太平興國二年三月甲戌

聖人之生必記其瑞著為令節厥有舊章俯及立冬之初寔為載誕
之日盍薦嘉號式紀休辰伏以乾元發祥萬物資始以聖繼聖謂之
大明願合二義之稱用表無疆之慶臣等不勝大願請以十月七日
為乾明節休假賜如故事從之

案臣丁謂等請立乾元節名表

内外文武百寮具銜丁謂等與諸軍將校謹詣東上閤門再拜稽首
上言臣等伏以玉理誕祥式契貫星之兆璿樞紀曆爰標出震之期

祇率舊章惟新今序臣等誠惶誠恐頓首頓首伏惟皇帝陛下清寧
毓粹聰哲凝華襲仙系之莫京紹帝圖之景盛候開炎津氣應薰風
叶離德之融暉仰滂河之啓瑞丕承在旦欣戴翹心願奉嘉名以昭
茂典遐稽易象虔紀聖猷惟受命以續式必體天而致治臣等不勝
大慶請以四月十四日為乾元節播芳蕤於甲令式權多儀介純嘏
於鴻靈彌昌寶算臣等無任祈天俟命溼懇云云

批答

有表具之朕猥惟取質方副玉圖念燭理以未明若涉川而增畏卿
等情深體國志切愛君爰育封章備陳曲禮就茲誕日記以嘉名載
念恭勤不忘歎尚重違誠請勉示允俞所請宜允

宰臣等乞立壽聖節表批答

省表具之亦制告圖肇承題序青輝動陸俯協誕期卿等迺稽舊章

列上芳情緣華封之素祝建壽聖之嘉名竊惟受天元符撫國曰運
百辟稱觴而在席四夷奉幣而在廷敢以菲懷抑于輿望亦請宜允
宰臣等請立同天節表二月庚寅

伏以誕聖題期表靈源之濟發揆時紀節昭皇德之開光舊典出鴻
綿區相慶恭惟皇帝陛下欽承先訓祇荷丕圖嗣揚適駿之教茂協
重華之德方緝熙於緒業必諏度於故常當正陽統月之辰乃申徽
襲祥之日慶由運會道與天同宜敷錫于隆名用彰明于盛旦請以
四月十日為同天節從之

宰臣等請立興龍節表

伏以德之盛者禮文既絪澤之廣者源委必長夢日儲祥預席有開
之慶奉符踐阼適丁利見之期幸際熙朝永標令節臣等伏惟皇帝
陛下誕膺駿命祇紹燕謀益安天作之高方茂日躋之聖千齡啓運

肇新出震之辰萬國環瞻願祝後天之筭臣等不勝大願謹以十二月八日為興龍節著之令式布于天下上壽宴錫並如故事臣等謹奉表詣東上閣門陳請以聞

批答

省表具之赤斷錫符獲成洪緒冬成肅物用紀誕辰卿等志切愛君情深體國稽前王之著令舉列聖之大章對揚甲觀之祥願上興龍之號願惟寡昧膺此休明既以申盛禮于兩宮亦以同觀心于萬國有嘉誠請姑用聽從所請宜允

宰臣章博等奏天寧節名表 戊申

詩紀生民易稱出震以表帝王之德必膺天地之符歷世寔昌彌文益著乃建殊常之號用標載誕之期流慶萬年均歡四海屆時熙洽嗣聖統臨敢即群心前稽故實云云恭惟皇帝陛下聰明淵懿剛健

粹精順億姓之樂推享三靈之春祐時惟陽月瑞集樞星肇開震風
之祥永御光華之旦離明耀敷同四海之歡天德出寧請祝萬年
之壽列辟稱觴而拱極殊鄰奉贄以造廷必有鴻名以申善頌且博
等不勝大願請以十月十日為天寧節編諸甲令播厥治朝以彰甚
盛之休以配無疆之祚

批答

省表具之朕猥以取躬獲續洪業方此該藏之月寔為震風之辰公
等志切愛君情深體國詩記誕彌之慶以昭長發之祥選建節名旅
陳章奏勉從俞允慈用款嘉所請宜允

宋朝大詔令集卷第二

帝統二

改元

改太平興國元年赦天下見禁例

開寶九年十二月

門下朕猥以耿躬嗣守鴻業託於人上奄宅域中繼先朝不授之基
副率土樂推之意神靈大寶既負荷以維艱薄冰深淵寔怵惕而為
懼自登宸極再易朔辰躬親雖覽於萬幾德澤未周於四海而中外
昏悅遐邇謏寧顧寡昧以何堪賴宗社而垂祐今者十官在列萬國
來庭被袞冕以臨朝順乾坤而布政改元更號舉前古之舊章盪穢
滌瑕洽普天之大慶可大赦天下改開寶九年為太平興國九年云
云於戲為君之道無先於克儉克勤致理之由必賴於同心同德矧
惟耿膺初嗣寶圖敢忘馭朽之懷庶政垂衣之化凡貴卿士共竭謀

猷沃心造膝者無怯諛言求瘼班條者勉揚善政百職各思於振舉
兆民俾樂於和平同施州督之夢永保延鴻之祚布告天下咸使聞
知

改淳化元年降京畿流罪以下德音 端拱三年正月

門下朕受天明命司牧黎元荷上帝之丕休奉祖宗之洪緒顧惟涼
德弗敢違寧寰區幸致於和平稼穡屢觀於豐稔誕膺神眷敷佈邦
家爰念去秋頗聞愆亢慮將成於災沴固深軫於憂勞名山大川亟
令精禱撤懸減膳勉自勵修精誠上通靈應猶響雨如膏而潤物雪
盈尺以呈祥慰三農望歲之心見百穀用成之象慶茲元感恩舉舊
章是用列羽衛於彤庭儼衣冠于著位因斯獻歲取象陽春御正殿
以受朝出綸言而示眾宜改紀元之號仍覃反物之恩可改端拱三
年為淳化元年 云云於戲聖人立言既以慈儉為寶王者之道必先

兢慎為心永為稽古之文爰布順時之令凡爾中外當體朕懷

改至道元年在京降流罪以下德音 正月戊申朔

朕以耿躬續承丕構託于兆民之上二十載于茲矣夙興夜寐罔敢
荒寧未嘗發一念不先于黎元舉一事不先于政教庶脩人紀用答
天工近歲以來存逢災厲蜀主暴興於狂孽齊民頗匱於倉箱予心
浩然固知攸濟是用側身思道期洽降平彌增宵旰之憂果獲異寧
之祐妖氛漸弭禾稼咸登對越上元載深祇惕當惟新於大政異永
保於鴻猷發號改元與民更始宜改淳化六年為至道元年云云於
戲欽若昊天誕草紀年之號需茲德澤爰敷作解之恩曲赦上京式
遵舊典凡爾黎庶當體朕懷

改咸平元年詔

朕誕受皇圖續承茂烈深惟抑畏豈敢違寧歲阜民康適安遠肅承

上穹之眷命完大寶以踰年四序履端萬物資始式遵古義俾易新元可改至道四年為咸平元年

改景德元年赦天下制

門下我國家皇天眷命四海歸仁太祖以神武定寰中肇基王業太宗以睿文化天下光闡鴻圖朕以耿躬肆承丕構荷二聖之餘慶為萬邦之所尊夙夜憂勤不遑寧處四時遷易七載于茲何嘗不寤寐賢良焦勞疲瘵親臨庶政期及小康志在日新願從人欲時惟獻歲氣正陽春諸方之貢物充庭蕃國之酋豪在列仗衛森肅金石成音是宜景慕前修昭宣令典稽于古訓順彼發生單作解之寬恩建紀元之新號與民更始保國隆平可大赦天下改咸平七年為景德元年云云於歲君人者不患無才患于蔽同事君者不患無位患于詭隨朕清滌化源屬精君體庶令圖有方足漸草于澆風四夷八蠻永

通於和氣更賴左右輔弼中外勲臣同堅赤心助成深德誕告遐邇
明知朕懷

改大中祥符元年赦 正月戊辰

朕欽承命庶思億黎元撫御萬邦憂勤一紀何嘗不順考古道欽懷
永圖嚴祀事以奉神祇潔至誠而享宗廟政刑是恤茂育於群生恩
信所如同躋于壽域固敢自述期臻太和荷上帝之眷懷啓靈心而
降鑿炳祥輝於寢殿神告先期肅清醮於齋壇天垂寶籙祇膺景貺
躬受丹書兩期純嘏以及人豈止殊禱而在已載窺秘檢誕錫元符
清淨為宗濬發愛民之旨延洪儲祉遠踰卜世之期嘉應非常惕然
增懼且詳觀載籍取觀前聞聖若叢黃八卦演連山之象功齊舜禹
九疇浮出洛之文何涼德之感通偕昔王之盛美是用時均慶賜仰
答高明度增錫瑞之名周易紀年之號式均大賚普洽洪休可大赦

天下改崇德五年為大中祥符元年 云云於殿屋鴻之慶荷天意以彌彰富畏之心豈予表之敢怠更賴文武列辟中外盡目益竭乃誠以輔台德同底于道不其禱歎

改天禧元年詔大中祥符九年十一月乙卯

朕奄受元符克紹駿命示以延洪之旨誨其清淨之方爰建號以紀年用垂鴻而流慶登封喬嶽禋隆雕荐錫蕃禧彌思昭報是用率寰區之臣庶崇霄極之尊稱屬獻歲方初涓日惟吉詣真居而欽潔奉恭冊以陳儀將刊薦信之辭式舉建元之曲歸尊之禮庶協於惟新誕告之文特申于先甲來年正月一日宜改元為天禧布告遐邇適當體朕意

改乾興元年制 正月辛未

朕祇荷慶靈嗣守鴻業懼涉道之多昧念守文之惟艱未明求衣既

吳忘食兢兢業業靡敢怠荒而天地儲休宗社垂祐嘉生屢降庶政
斯和民俗阜康邊陲清謐興言致此蓋用媿懷屬歲律之肇新慶春
祺之紛委式建紀年之號佇申及物之恩宜自正月一日改天禧六
年為乾興元年重念類常薦誠尚賒於亞歲先廣施令俾告於明庭
其今年冬南郊恩澤並移就二月一日庶茲惠渥亟洽群倫其草慶
賞賚悉用南郊例至日御正陽門宣制有司具儀注以聞

改天聖元年詔正月丙寅朔

王者繼聖子民握圖御宇必因歲始以正天端肆予冲人獲嗣玉構
兢兢業業罔敢怠荒而宮吳春懷宗社垂祐四氣調豫百穀順蕃政
刑交修夷夏胥悅顧慙涼德享是洪休屬萬彙發春三朝協序思與
民而更始宜建號以紀元其改乾興二年為天聖元年

災傷改景祐元年御札 明道二年十二月丁巳

朕欽膺駿命臨御中區守三代之成基為群黎之司牧四隅底定一
紀于茲乃至圖任忠良博詢直罔敢暇逸務致隆平自明道之建
元逮作噩之居歲稔災荐起暎濛相仍人多痛疫之傷祿有燕螟之
害亦嘗去溢羨之說損燕膳之珍宵旰不遑但虞於闕政牲幣靡愛
編禱於群神然而豐澤尚借和氣猶藉物價騰湧編氓阻飢常賦既
竭廩粟皆振豈惻隱之心弗至致休若之應未臻側身內思其咎安
在且夫陰陽之道難測變則能通天地之戒甚明順則成福消救之
言斯在嚮應之報可期惟上春首祚之辰及萬物向榮之始用舉授
時之典載更紀歲之名祇若靈心庶迎玉貺式報惟新之令先申誕
告之文宜改明道三年為景祐元年咨爾庶邦當體予意

改康定元年及尊號去寶元二字詔

二月甲辰

朕紹膺駿命統御庶邦祇迪先猷南決九閩何嘗不稽探前載詢納

適言克念永圖之安聿求小愆之助靡敢暇逸沆臻治康而近歲以來寄異聞作靈躔示象星舍舛期天戒靡私史占攸著企湯乙在予之誥慕周王側身之思屢省寔勤厥咎非遠雖徹盛食之品躬懷肝朝之憂恐未足導迎至和消伏衆變是用推策正本協紀求中庶回靈鑒之孚式新瑞麻之授宜改寶元三年為康定元年重念嚮徇群請加薦徽名因以建年之元冠于丕稱之上特從捐挹其務兢兢自今上表尊號勿復稱寶元二字尚慮政體或疵言路猶壅嘉與內外臣庶參圖闕遺其志上封以輔不逮

兩災赦天下改皇祐元年制度麻

朕執事御民稽古布度顧幅員之至廣常臨履以自持莫不順人之心奉天之道慮一物之失所期庶政之惟和稼穡雖登或未臻於豐稔兵戈載戢尚靡格于僭銷惕惕居懷兢兢在念惟茲默庶僅底樂

康而自春夏之交霖雨作沴傷暴禾麥漂溢隄防河朔之民尤罹弊
苦粒食罄闕廬室蕩空流離擲邦攜挈老幼下室而九自秋徂冬嗷
嗷道塗溝壑為慮愍其失業彌甚約聖當原宥其由來冀消弭于災
變宜均霈澤以召善祥仍更紀歲之元用異自天之祐宜改慶曆九
年為皇祐元年云云於戲側身修德於政治以為先作善降祥庶凶
災之可伏

日食正陽改皇祐六年為至和元年德音三月庚辰

門下朕以寡闇守茲盈成緬念為君之難深惟置器之重用敢怠忽
思致治平而王澤未孚治道多闕皇天降譴太史上言豫陳薄蝕之
災近在正陽之朔經典所忌陰慝是嫌尋災異之攸興緣政教之所
起永思厥咎在予一人德不能綏理有未燭賞罰失序聽納不明庶
政未協于中眾寃或墜于下有違萬物之性以累三光之明上穹動

感陽精示變此皆彰朕過失警予省修畏天之威慄慄危懼若將墮於深谷茲用惕于夙宵庶幾減損之誠或蒙降監之眷是用改避正寢却去常珍俾更元祚之名異召太和之氣仍敷惠澤益霽普恩庶達耿沖之心更回億兆之祐宜改皇祐六年為至和元年以四月一日為始應天下罪人云云於戲恐懼予未覩抑畏於未然庶竭黃恭或致消復咨爾有衆咸體朕懷

改治平元年制

朕以眇躬獲承鴻緒涉道猶淺燭理弗明大懼菲冲罔克負荷深惟抑畏曷敢荒寧然而仰憑社稷之靈俯賴股肱之助先帝至德道惠結於人心列聖重光流澤長于世祚所以自親庶政甫涉逾年中外又寧風雨時若惟春秋之正始蓋歷代之通規獻歲發春方臨於吉旦開元易紀祇率於舊章宜改嘉祐九年為治平元年

改熙寧九年詔

朕膺堯凡之遺音，遵履孟之定業。默思至道，祇述先猷。白雲未遠，於
遺弓馭景，俄遷於過隙。屬窮陰之畢歲，肇蒼德以建正。乃瞻時雍，是
更歲紀。混齊六合，敢期盡入於甄陶。鼓舞萬民，將以一新其耳目。正
月一日，改治平五年為熙寧元年。

改元豐元年詔 熙寧十年十二月壬午

朕奉承聖緒一紀，于茲兢兢業業，罔敢暇逸。賴天之祐，年穀順成。其
因來歲之正，以新元統之號。式循典舊，對越神休。宜自明年正月朔
旦，改為元豐元年。

改元祐元年御札 元祐元年正月庚寅朔

朕紹承大統，適駿燕謀於乎皇王。永世克孝，維予小子。未堪多難業
業兢兢，夙夜欽止。尚賴親慈擁祐，神保貺臨。百穀順成，方內安乂。永

惟春秋正始之義深見天人相與之符即位逾年改元布政以僕屬
景命以作新斯民顧惟守成敢忘繼序宜自正月一日改元豐九年
為元祐元年

改紹聖元年御札

元祐九年四月癸丑

朕荷皇穹之眷命守列聖之丕基十年于茲四海用乂日聽外朝之
治躬勤萬務之幾敗若涉淵未知所濟顧念祗承上帝誕保受命惟
駿惠於先猷以緒隆於下武乃稽仁祖之成憲思大文考之烈光其
因盛夏之辰載新元統之號庶導迎於景貺用敷錫於群黎宜改元
祐九年為紹聖元年布告多方咸體朕意

改元符元年詔

紹聖五年五月丙寅

朕統承聖緒紹述先猷克享天心屢蒙嘉貺甘露荐降靈光屆天中
賜無疆神靈自出顧德菲薄荷帝博臨勅命之幾惟聖時憲嚴恭寅

畏懼不克勝思蒼神休以協瑞應其易統年之號用昭受命之符宜
自紹聖五年六月朔改為元符元年

改建中靖國元年御札 元符三年十一月甲子

朕丕承祖宗奉若天命思建皇極嘉靖庶邦蓋嘗端好惡以示人本
中和而立政日慎一日期月于茲稽厯數在躬之文念春秋謹始之
義肇親元統國有典常是遵踰歲之期以易紀年之號豈惟昭示朕
志永綏斯民庶幾仰協靈心導迎景福宜自來年正月一日改為建
中靖國元年布告多方成體朕意故茲札示想宜知悉

改大觀元年敕 崇寧五年十二月三十日

門下朕膺盈成之基式顧誕之訓奉承大業撫寧四方若涉淵水固
敢豫怠永惟繼志之重深念守文之艱摠攬萬微緝熙百度勤於政
庶以圖天下之佚儉於家庶以資天下之豐昭恩信以懷戎敦廉耻

以勵俗迺正律度迺寶賢能八年于茲海內綏靖兵革不試圉圉
空逆陸安安年穀豐稔乾端垂象日當交而不虧坤厚薦珍未與
之而並秀願豈敢躬之克享寔賴昊穹之博臨嘉與群黎導迎景
用因三朝之慶會順一氣之發生易冠元之名章作解之澤既革
而當惟新是圖可大赦天下云云於戲發政施仁任德以承於天
意赦逆宥罪好生迺洽於民心誕敷純被之恩並廣布新之令更
賴百官修職三事協恭時若庶豐之大猷共濟唐虞之極治咨爾
多士咸體朕懷

己酉朔旦冬至改重和元年赦

門下得天之統上帝所以申景命之休以道為門聖人所以對高
真之睠朕紹承丕緒祇遵先猷荷穹昊之降康馨饗區而作又法
全令具禮備樂成迺追古道之淳迺發內經之隱順斗布合宮之
政分方

調文昂之神修德錫符維新九寶迎日推策載列三雍固已祉福咸
蒙天人無間雲物龍翔而抱月檜芝藝伏而如丹金篆浮波河伯順
流而聽命瓊科宣錄青華正晝以臨壇茲者氣應中冬日極南至當
甲子之月朔旦逢己酉之會復元遂契史區之言上同黃帝之世于
時太一適次乾維基迹潛宮仰憲紫微之象安神楹帷下娛黃秘之
庭叢祥並胙於邦國冠號肇更於年統與四時而合序以莫不增參
萬歲以成統終而復始肆馳大號溥宥多方可大救天下云云於戲
萬邦協和式鑒太清之治五福敷錫誕昭丕冒之仁尚繫弼亮之聯
更勵寅恭之助共崇妙道永佑群元

改重和二年為宣和元年御札宣和元年二月四日

農天下之本朕躬執耒耜以勸天下賴天降康禮成消日用協惟新
之政誕揚率土之休可於布政之初用冠紀元之號宜以重和二年

為宣和元年布告中外咸使聞知

名諱

改名詔 太平興國二年二月庚子

王者對越上元祇見九廟凡因祭告必署名稱稽歷代之舊章貴難知而易避爰遵故事載易嘉名凡州縣散官職事官號及人名外其舊名二字今後不須迴避仍令中書門下差官擇日奏告天地社稷宗廟

太宗藩邸諱不避詔 大中祥符二年六月戊申

太宗皇帝藩邸舊諱溥率咸知雖先訓之具存俾臨文而不避

宋朝大詔令集卷第二

宋朝大詔令集卷第三

帝統三

尊號批答上

建隆四年上尊號第三表乞批答

百寮三上表上尊號曰應天廣德仁聖文武至德皇帝

朕奄有萬國于今四年寅畏上元憂勤庶政匪敢逸豫期于底寧而德教未孚干戈未戢賦調無減刑罰尚繁永言生民詎臻富壽一念至此予心惕然至于二叛誅夷三湘款附皆宗廟垂慶公侯協謀集是大勲顧予何有思指抑以答天休而中外同辭猥加徽號予詔避讓至于再三所請益堅情不可抑噫尊我以應天廣運之號加我以仁聖文武之名復兼至德之稱深惟溢美之懼群公卿士其將何道以弼予無使名過于實也勉從衆議良愧朕心

宰相等上尊號第口表不允批答開寶四年九月丙申

朕自臨御萬邦躬親庶政惟小心而自勵慮大化之未凝至于邊境
無虞畿區甫定復土疆於西蜀被敷教于南荒風雨應時歲年屢稔
此皆乾坤出祐文武協謀顧惟沖人何力之有將伸報謝用展虔恭
大慶殊休未洽於庶彙鴻名懿號先加於朕躬三拜封章過陳虛美
夙夜是念豈能當之徒嘉奉上之誠難徇推尊之請宜體朕意即斷
來章

晉王等上尊號第一表不允批荅

開齊九年

今汾晉未平燕薊未復謂之一統無乃過談仍曰太平寔多懃德固
難俞允

省尊號詔

端拱二年十二月庚申

朕聞在昔哲王統臨大寶精求治道茂育黎元固無尚於虛名惟在
敷于丕化矧惟耿質獲奉丕基上黃畏於昊穹下憂勞於兆庶萬幾

之重兢兢敢怠於宵衣四海之尊慄慄寧忘於馭朽而涉道猶淺燭
理未明四時罕保於太和庶政詎臻於無事寡昧之愧諒交積于予
懷履鴻之稱徒有加於人上名浮於實甚非所宜朕嘗覽群書備觀
前古希尊之號近代方行固非軒昊之令猷且異唐虞之舊典載惟
涼德尤愧前王向者羣后同辭封章見請虔懇至避讓無由勉從
將順之心遂極尊崇之稱每一自念深用愧然豈敢以謙德自私必
將以古道自法真自前所加尊號宜從省去今後四方所上表只稱
皇帝庶協至公凡百臣僚當體朕意

群臣上法天崇道上聖至仁皇帝玃不允批荅

至道元年十
二月甲戌

昔者陶唐以芳茨采椽聿脩儉德伯陽謂孤寡不穀用示謙稱周室
以還時風寢薄秦稱二五之號唐極尊大之名朕纂紹已來褒崇大
過中心愧惕啟處不遑至諭宰衡盡令省去勉徇群臣之請尚加四

字之文法天者蓋遵讓德之心崇道者庶取遠溥之旨辭避不獲愧
畏良深今者以郊祀有期禮容咸備爰伸報本之義何事溢美之名
唯聖與仁則吾豈敢益反損其理甚明勉體素懷勿至勤請

宰相上尊號不允批荅

咸平二年七月己巳
崇文廣武聖明仁孝皇帝

古先哲王尊道貴德務宣至化靡尚虛名矧惟眇躬初嗣洪業憂勤
班極教教未孚遽覽上封逆陳徽號顧惟涼薄但益兢慙所請宜不
允

第五表上尊號允批荅

咸平二年八月己卯
崇文廣武聖明仁孝皇帝

朕每念為君之難且思繼志之重兢兢業業固敢忘荒而百職交修
萬邦咸乂歲有豐稔之慶人無適軸之嗟仰賴降衷議伸昭報而群
公百辟猥致徽名申諭再三懇請彌確且陳舊制靡獲回辭勉徇眾
心良增多愧宜俟郊禮畢日受冊

群臣三上表乞加尊號不允批答

咸平五年八月崇文廣武
應進章德聖明仁孝皇帝

朕以歲時登禋告朔上元非敢貪天之功志在為民祈福而中外臣庶再三上言咸以虛稱加于菲薄且思徽號肇自唐宗王者有功受之無愧五代而下二聖膺乾德皆履鴻禧猶遜抑惟太祖威加四海辭立極居尊之名惟大宗功庇生人止法天崇道之號肆朕沖眇叨荷慶靈前所推崇已慙滋美雖諒戴君之意有違審寔之言當悉更懷速斷來表所請宜不允

宰相等表上尊號不允批答

大中祥符元年六月辛亥崇文
廣武儀天尊道寶應彰感聖明

仁孝
皇帝

位號之稱省實斯在苟預虛美其人其胡何朕荷天地之眷懷紹祖宗之丕構罔敢自述况此小康邇者百敷阜昌五兵不試秘符春降嘉應屢臻顧仰鑒之斯臨豈敢躬之能享慶靈所集宜畏彌深爰以孟

冬式遵茂典昭答殊旣有事大封蓋以勉徇輿情奉承先志遠觀來
表頭並徽名且夫儀象固穹尊崇妙道惟鴻休之敷錫垂世祚于無
疆方切欽承更思惕厲用為顯號非所克當雖諒爾之勤誠無重予
之不德所請且不允

第五表允批答大中祥符元年六月丙辰

朕將陟介邱躬陳大祀報上穹旣施之德崇二聖配膺之儀祗薦精
裘奉成先志而卿等率和有衆相幅上言奉我嘉稱成茲溢美亦敷
諭之期至尚列請以彌勤在於朕懷非敢自大念群心之逾確述天
命之孔昭與其封執於素心昌若曲從於人欲嘉乃稱君之善奉茲
建勳之文勉徇傾輸良多愧惕仍俟封禪還京日受冊

宰相等表上尊號不允批答

大中祥符三年八月丁卯崇文
廣武儀天尊道寶應彰法欽明

上聖聖德
仁孝皇帝

朕致享坤元式昭母事秩茲久廢之典以介無疆之休蓋祈福以祐
民非求名而為己群情忻戴封祀咸集聲歸美之情極推高之說夫
以堯典攸述寔首於欽明洛書是陳聿崇於睿聖加以至哉之德蓋
表魏乎之功茲謂鴻徽非可輕議顧朕涼薄寧所克堪方且講恭時
之遺儀報后祇之博施稽明察之教姑務致恭於神念持盈之言安
敢自大其意但增抑畏曷以遵役所請宜不允

第五表不允批答

月甲戌

夫獲贊成功將順其美者巨子之志也况恭克讓謙尊而光者后辟
之心也故天之廣覆以不宰而為先人之持盈惟若冲而能久顧朕
寡德獲總多方祇荷慶靈豈嘗滿假近者將祠厚德誕告先期俄
輿誦之愈同以徽名而來上亟頒詔諭未悉予懷夫以謁款后祇大
庇聖獻答園丘之並眎冀普率之蒙休務陳信以格神非圖榮而為

已確乎之懇言發于茲深諒由是即斷來表所請宜不允

宰相等上尊號不允批答

大中祥符五年閏十月乙亥崇文
廣武威天尊道應真祐德上聖致

明仁孝
皇帝

夫此以表功為先名以副實為重苟或溢美即爽至公矧乃帝皇之
尊已兼三五之極摯微懿之尊稱著典籍之明聞欽惟祖宗垂厥憲
度肆予寡德敢念丕承恭以郊見之初逮夫垂慶之際再遵群議祇
受鴻名在于取冲曷嘗滿假今者至真降格洪應殊尤仰基命之開
先本宗祊之積累發祥霄極浹慶家邦豈於予躬敢自崇大遽披列
奏願益微稱方厲欽翼之誠難副衆多之請體茲勤諭無或再三所
請宜不允

第五表允批答大中祥符五年閏十月壬午

朕胥造真期躬延颺御備聞大誨洞曉仙宗願基緒之有聞識源流

之自遠邦家大慶中外攸同卿等繼率群倫五陳封奏加予稱謂顧
極褒揚以為宗稷之蒙休所宜典冊之備物懇請彌篤確辭靡違考
賓賓之過差雖慙溢美拒傾輸之盡禮亦阻歡心勉徇勤誠良增愧
慙所謂宜允候奉冊畢日施行

宰相等上尊號第口表不允批荅

天禧三年七月己卯體元
御極感天尊道應真寔運

文德武——聖欽明

仁孝皇帝

朕聞太古之時稱謂以最德三王之代名號以顯美所以紹天闡緝
昭世焜煌顧惟菲薄獲承丕構寅畏元命綏懷兆民雖馴致于大寧
尚有慙于前烈若夫靈章荐錫緝禮交修景瑞協符群臣受職此又
穹厚垂監祖宗降祥豈惟耿冲專所感召今以就國陽之顯位諷天
正之吉辰大備禋燔蓋仲欽翼速陳眾志願益徽稱溢美茲多颯顏
增極所請宜不允

第五表 允批答 天禧三年八月辛丑

朕獲奉牲瑄昭事天地慶靈俯及寰宇大同將修嚴禋用答嘉貺卿等遽以徽稱加予耿躬遺詔屢宣輿情益固親臣民之克一誠驗歡心念名寔之未宥愈增涼德勉從群懇彌用愧懷所請宜允

尚尊號詔 乾興元年二月庚子

朕憂勤二紀臨制萬邦刑法蠲苛教條敦本吏謹於職民懷其生邊烽無橫草之虞疆隴厚如菽之蓄矧我元子參于政經夙夜惟寅權綱畢舉與予耿質席此重熙思億兆之永圖奉盤盂之法誠詳求簡易庶保隆平乃者迨以群情屢增顯號重違率額勉徇昌言今以剛辰肇乎元麻爰及布和之令獲伸口克之懷目今中外所上表章宜令省去尊號用合持盈之訓益敦進道之風布告群倫咸知此意

宰相等上表請復尊號不允詔 二月辛丑

徽號之文肇于近古夫惟至德乃可誕膺朕躬慕前規深思抑損莫
踞虛稱式叶憂勤卿等遂列封章通陳眾議眷言誠恪徒切歎嘉所
請宜不允

三上表請復尊號乞詔 二月癸卯

夫以涼薄之質荷于詔燕之厚遂臻嘉靖用庇蒼黔敢冒天功過為
賓實是用及建元之慶協肆眷之辰昭示素懷咸躋虛美所異同德
叶贊茂規而中外一辭疏封三上仍詢舊典旅述群情裁以質文就
為損益加于弗類誠亦未遑然念朕躬重煩勤懇懃循嘉請用恧
為所請宜依

宰相等表上尊號不允批答

天聖二年聖文憲
武仁明孝德皇帝

眷言菲德紹鴻圖念興王之艱罔敢自暇賴累聖之業聿致小康
至若封字又寧陰陽調豫官修其次氏樂其生豈伊朕躬能底茲道

身重... 卷之三
二
肇申郊報式展時思而公卿搢紳封號旋上稽于舊式加我美名詳
覽之餘雜應所請

南郊毋得上尊號詔 天聖五年七月己未

朕荷三靈之眷祐席累聖之基國業兢兢日慎一日而九功未序
常緯式差時澤不滋清流匪順雖並禱群望精忠屢申而顧思永圖
焦心是外屬歲當郊祀已告先期尚慮臣寮輒沿舊典再加徽稱良
匪予懷將來南郊文武百僚毋得上加尊號

宰相等再上表請加尊號不允批荅 天聖八年

朕自宅瓦后肇禋泰壇群心叶恭猥加大號每念淳寔今猶惕然昨
之再郊前詔拒止習歲惟吉拜朕有常而震封邁來復形推美已嘗
敷諭未暇溢言顧循非冲獲約基構無忘兢業庶保盛祖宗禩規
多所謙挹矧茲不德安敢存膺至于體洪覆之日生欽效模之惟靜

固當勉於行已豈須飾以為名徒諒祇勤尤增愧悚

宋朝大詔令集卷第三

宋朝大詔令集卷第四

帝純四

尊號批答下

去尊號中睿聖文武字求言詔

明道二年七月戊子

朕膺昊天之眷命嗣烈聖之鴻圖懼帝監之下臨荷神器之至重何嘗不夙宵兢畏旰食憂勤務專稽古之欽明靡敢暫時而暇佚自文考在宥之旦泊冲人儲兩之初問膳寢門已日承於謨訓游心講肄固動法於典墳比纂宏基式丁昌運竊復詳披金匱述覽油緹以謂古者因積久之承平受自然之富貴靡不忘大寶之慎忍守文之難或改獵以肆其狂或宴游以耽其樂窮兵極武震威而暴民高基深池繼情而興後朕自嚮明正宇馭朽居懷非大嚮群臣未嘗陳於羽葆非防秋四鄙未嘗動於干戈放鷹犬而絕禽荒屏珠玉而崇儉寶惟

天地神祇之是奉惟宗廟社稷之是依采納忠讜之言倚成輔相之
績周公無逸文王小心雖休勿休日慎一日而比年之內旱蝗相仍方
春以來竊勝為沴民或闕食田用不收州郡之間奏報相繼豈服德
之不逮將夫時之使然須自戒災敢忘罪已申旦不寐畏上之威義
者大禮越成群公列奏增予以睿聖之號重予以文武之稱雖迫於
眾心難於克讓而內思闕政將溢美是名切乎惟膺之歎箕疇之所
演若聖之美漢光之靡當文在乎化成武由乎定亂內惟菲薄難以
具膺宜令天下於朕尊號內其表奏並不得稱膺聖文武四字寰海
之中治化攸廣百揆之內事叙實煩眷乃多方豈無讜議所宜未聽
以致平康應天下賦詞橫加於民間而為患刑獄罹枉阻官司而莫
伸草萊之人負材而不能自達里閭之下積弊而無由可除並許文
武眾官直言極諫朕將親覽以裨政綱異表至誠用召和氣應天下

名山大川聖賢祠廟能捍大災禦大患者並令中書門下差官精加
祈禱以救萬民朕所減尊號字亦仰擇日告于天地宗廟庶申朕志
以達神靈更賴三事大臣百司庶尹共竭忠盡以洽嘉祥故茲詔示
想宜知悉

宰相等上表加上尊號第五表乞批答 寶元元年

朕奉承先猷日做端命謹事上帝于茲五郊官師率和奏續連委典
緣瑞福之集增列祭號之崇若乃寶用善元易冠至稱是惟勉德匪
曰名功襲用舊章差或無愧至于英睿之烈后辟罕蕪未是而居者
已胡益矧於近歲變青屢臻霄舍舛期坤載愆靜迹加徽顯是贊齊
明宜損溢言之華姑酒備物之典其所上尊號內英睿二字宜不允
餘依所請

不許上尊號詔 慶曆五年

乞上尊號次爾列位當體朕意

宰相等表上尊號曰體天法道欽文聰武大仁至治聖神孝
德皇帝不允批答嘉祐四年五月乙巳

朕嗣守丕業遠監前代得失之效蓋本冲淹者每多遇福徇矜夸者
鮮不後艱且宗廟之祭朕所盡志者列尊卑叙昭穆致孝思以化天
下也其敢自尊顯乎雖將順之意有副於群情然溢美之辭未安於
朕實凡五上表不許

明堂毋得上尊號詔嘉祐七年七月壬子

朕在位四十一載惟上天眷祐之命先帝燕翼之謀遺大投艱懼不
克勝故於禮文之事嘗盡誠意之格季秋今月其日辛亥事天事親
用卜惟吉牲玉幣帛所宜踴潔鐘鼓管磬比於和樂凡明祀之所舉
當致力而無懈至於徇虛名以益朕之美既非交神之道又非求已

之實徒自崇大無益祇畏其將來大享明堂百寮毋得上尊號

宰臣韓琦等上尊號不允批答

治平二年七月庚寅

省表具之朕獲承大統三載于茲蒙天之休海內清靜方將飭齊輅潔純犧以祇見天地宗廟之靈乃敢昭發玉冊揚徽垂鴻以自施序尊榮者哉不圖執事之臣列上表功之號且臨政之日淺未有盛烈之章況事神之意茲豈在彌文之飾過增予愧難徇所陳所請宜不允

第三表不允批答

省表具之朕守神器之重思王業之躋歷日未長涉道猶淺而三事庶尹措紳之倫殊隣異俗霜露所陔歲斐回闕廷願得鑄寶又章于鴻鏢以薦無窮之休茲甚盛德顧何足以堪之竊嘗賸前世之載近事之寔惟至聖為能兼天下之機惟至功為能饗天下之報慎微端始

莫或敢承所請宜不允

第四表不允批答

省表具之昔夏禹不自矜能而閔三代之教漢光武諸言聖而振東京之烈朕顧循菲德膺守聖圖亦嘗遠覽其所未形積思其所不及蓋謙恭抑畏者靡不受多福夸侈大者靡不蹈後虞今就陽初郊假廟始禱大懼無以薦四時之和氣來萬國之歡心乃致仰慕祖宗之烈光道跡金石之絕記祇登寶冊駿騰徽稱豈朕所以答三神之休法後王之意哉雖情見忠者之謂報然文溢美者未易承也所請宜不允

第五表不允批答

省表具之朕接神明之統享平富之圖且三歲親郊始嚴畫物之報而百辟進旅率籲在廷之言考前世之道聞慕本朝之故事將合群

靈之祉爲歎玉冊之名封章五陳勤懇一志然自躬庶政降異相仍
永惟前王歧德不及載視瑣涼之質難居尊美之稱雖欲勉從良不
可得所請宜不允仍斬來章

宰相等上尊號不允批荅

熙寧元年七月己卯
本元憲道文武仁孝皇帝

朕以薄德嗣膺基緒繼天理物常懼弗任方賴交修以愍衆治群公
卿士外豎庶黎欲舉鴻名階之取質臣民歸美爲義則多揣寔揆時
朕猶不敢

宰相等上尊號第三表諭翰林學士司馬光等爲荅詞詔

覽卿來奏深諒忠誠朕方以類日淫雨甲申地震天威彰著日虞傾
禍被此鴻名有慙面目況在亮陰亦難當是盛典誠如卿言今已批
降指揮可善爲荅辭使中外知朕至誠寔乃內顧恐懼非是欺衆以
邀虛名

宰相等表上尊號不允批答 熙寧二年四月丁酉

朕攬政以來于茲三祀圖治不明災變屢出日星凌食大河決溢地裂朔陸生民流徙今復時雨愆亢蟲賊食麥愁嘆之數盈於廬井夙夜震悼未究消復之理二三股肱內外列辟不能傾盡忠赤共為欣沃弭去災咎召來嘉祥反務諛悅丰稱功德之隆其非忠且直也可亟罷此議勿以虛名浼予所請宜不允

宰相等上尊號表不允批答 熙寧四年六月庚申

夫道以常無名為尊乾以不言所利為大朕所憲焉至于崇飾徽號以臨四方非朕之所先務也方命有司議合宮之配以昭嚴父之孝矣乃當前受寶冊自為光榮哉無使大禹之不矜不伐漢光武之禁人言聖獨見稱于前史也

宰臣韓絳等表上尊號不允批答 熙寧七年七月癸卯 詔天

熙寧七年七月癸卯 詔天

勅云朕獲紹祖宗之基已當帝皇之號內惟非薄竊慕往初惕然憂勤無以負荷而公卿多士夷夏眾民且欲崇上徽名昭發玉冊况夙戒於齋輅將親饗於春壇惟時肅恭敢自尊顯念報上之義庶言則同然溢美之稱朕德因克適增多愧雜徇所陳

第三表不允批答

勅云朕以謂上則天明遠稽古道文武大備以底成功之隆仁孝顯聞以濟絕德之盛茲惟二典之懿寔冠百王之賢朕仰止潛心曾未敢及而群公卿士適見宸宗集是光華作為稱號咸造器屏再陳囊對雖歸美盡恭莫非至懇而循名揣寔未易克承維爾臣民當體予意

第三表不允仍斬來章批答

勅云朕聞唐虞之世君臣吁俞相與勅戒以康庶事未聞有自耀

其功德大為名稱以動天下之聽朕以涼菲獲承皇緒固以極崇高之位號矣嚮者奉郊宗之祀三事大夫亦屢以徽冊來上而愧不敢從方且嘉與眾賢夙將晨興以營極治之業要之萬世建無窮之基亦有無窮之聞不猶愈於虛名歟臣之尊君義則勤至朕守弗集毋煩教陳

第四表不允批荅 熙寧七年

省表具之朕聞皇帝之號并包三五高明光大豈復可加末流增華務極徽稱蓋有以極治而徇群下之所請亦或以否德而崇浮侈以為榮朕惟菲躬削守至烈上既無祖宗致治之實以配鴻名下不為後世溢美之文以事展飾方與黎獻共圖康功遠邁華夷宜思所以調一鎮撫教化號令宜思所以總緝補完至於習俗末為若皆可略當體至意勿復有云所請宜不允

第五表不允仍新來章批卷

省表具之夫臣之愛君惟義理之悅下之報上以誠寔為先今法度
方開更化之端事物既振積習之弊功有緒而未就俗於變而未純
卿等與其宗溢美之華辭欲加我虛名之飾孰若致躬違之一德以成
予願治之心乃足以垂裕無窮其蹤前古尊榮之極何以尚茲如其
不然自侈妄盡勉體朕志毋或異言所請宜不允仍新來章

宰相等表上尊號不允批卷

熙寧十年七月辛酉奉元憲古
文武仁孝皇帝五志終不允

朕帝有天下于茲十年夙興夜寐以圖乂民然猶懼無以奉天之元
憲古之道而文武仁孝之烈未足以結休前人勉然于中庶幾及此
而群公多士諸夏眾民乃欲合是數端崇上徽號愛君之誠義則至
矣浮實之稱朕無取焉

大禮罷上尊號詔

元豐三年七月甲戌

朕惟皇以道帝以德王以業各因時制宜配其賢何為加崇稱號
以自飾哉秦漢以來尊天子曰皇帝其亦至矣朕承祖宗之休宅士
民之上凡虛文繁禮悉已革去而近司群辟猶或時以稱號見請雖
出于歸美報上之忠然非朕所以若稽先王之意自今每遇大禮罷
上尊號

服除不上尊號詔

元祐元年十二月己丑

進中書省檢會故事將來服除百官等合拜表上尊號朕惟先帝臨
御天下十有九年威加四夷澤被萬物功德可謂博矣然群公卿士
每上徽號則拒而不受其謙厚不伐至矣以耿耿之身紹承統緒夙
興夜寐不敢違寧今近司稽用典故以為喪禮之除百官當崇上徽
稱此豈朕所以銜訓嗣事紹休前人之意哉將來服除依元豐三年
詔書更不上尊號咨爾中外體朕意焉

宋朝大詔令集卷第四

宋朝大詔令集卷第五

帝統五

尊號冊上

應天廣運仁聖文武至德皇帝冊文

乾德元年十一月甲子

維乾德元年歲次癸亥十一月己酉朔十六日甲子攝太尉守司徒
兼侍中蕭國公臣范質守司空平章事臣王溥尚書右僕射平章事
臣魏仁浦及内外文武臣寮馬步諸軍將校藩郡守臣四夷君長緇
黃耆叅等七千五百人謹再拜稽首上言曰惟天為大惟堯則之又
曰舜有天下無為而理是以古之言道德者莫先於二帝一則曰聰
明文思一則曰溫恭濟濟哲英散茂實意無欲而自彰景德洪休心無
求而自至魏魏蕩蕩可得而言伏惟皇帝陛下高明博厚宣慈惠和
純粹之德全孝友之行著惟精惟一知微知章向者龍尚處於潛淵

日未離於賜谷歷試之際志在扶危險阻艱難何往不濟躍馬臨高
平之陣麾戈往淮甸之征喋血鏖兵一月三捷勞旋飲至論功莫二
洎乎天鑿厥德用集大命人祇叶應風雨成若昂運初建國步猶梗
始則李筠犯順長戟指闕弄人連禍寇我北鄙於是有大行之行重
進恬亂棄德崇務幅員千里生民被毒於是有廣陵之役于乘高騎
如霆如雷詢彼仇方震疊巨宇翠華宵至堅城旦下連平二孽有同
符契累朝以來出師誅暴未有若茲之奇速也頃者華風不統中國
政微五嶺三江置諸度外殊文異軌六紀于茲肇啓聖謀驅攘寇亂
荆湖底定南土晏然燕薊之戎汾晉之孽也燕巢幕上朝不謀夕邊
事以間理道無壅嚴恭寅畏一日萬幾勤於己而泰於人儉於躬而
豐於物明四目而高視達四聰而遠聽不侮鯨寡恤天窮也信及豚
魚逆物性也惜力念耕耘之苦推食閔介曹之勞法家者流既峻且

密乃詔大理毋重刑名俾盡哀於務從寬簡減盜竊之罪緩贖趙之
禁好生之德通於神明若乃昧爽丕顯坐以待旦商湯之戒慎也側
身損已長懸遠馭漢文之化導也循名責實是信賞必罰建武之法制
也果敢決斷從善如流貞觀之風烈也帝王之道於茲備矣太平之
業於茲成矣由是祇見清廟致其孝享圜丘展禮對越上元一獻而
天帝降止再獻而神人以和三獻而萬祿攸報祥風拂袂休氣統壇
熙熙怡怡群心胥悅國家大慶眾庶共之肆赦覃恩俾民更始與天
合道謂之應天大無不覆謂之廣遠無不至謂之運博施濟眾謂之
仁智周萬物謂之聖化成天下謂之文保大定功謂之武其德無際
謂之至德臣等不勝大願謹上玉冊玉寶上尊號曰應天廣運仁聖
文武至德皇帝伏惟垂日月之明監億兆之情凝旒端冕昭受鴻名
如山岳之固若松柏之貞乾健不息品物咸亨承天之祐萬壽千齡

應天廣運聖文神武明道至德仁孝皇帝冊文 開寶元年

維開寶元年歲次戊辰十一月庚辰朔二十四日癸卯攝太尉左僕射兼門下侍郎同中書門下平章事昭文館大學士兼修國史趙普與内外文武臣寮馬步諸軍將校四夷酋長者文縉黃八千三百人上言曰臣聞天生黎民樹之司牧非至仁無以守其位非大猷不能書其功書契以來簡編斯在是以放節光宅居二帝之先文命錫圭冠三王之首伏惟應天廣運仁聖文武至德皇帝陛下膺乾御宇拓地開基威加海內道涇天下偏師南出而荆湘定靈旗西指而邛蜀降嘉穀屢登休祥存至幾至刑措况用小康爰考舊章再陳嚴祀六龍在御百神受職金石合奏天地同和明德惟馨無文咸秩昭事上帝而三靈允懷陰陽下民則萬戶胥悅巍蕩蕩煥乎成功由是今生之倫有任之士同辭抗表願增鴻名陛下謙尊而光固拒其請謹

心懇倒始曰俞哉若乃其智如神唐堯之美也克諧以孝虞舜之志也生長萬物之謂道照臨四方之謂明播文武之英敷唐仁聖之至德合茲其美用闡鴻休臣等不勝大願謹上玉冊玉寶上尊號曰應天廣運聖文武明道至德仁孝皇帝伏惟陛下盛德大業治定功成不矜于已不有其名坤厚載物乾元利貞溫恭允塞永協隆平

應運統天聖明文武皇帝冊文 太平興國三年

維太平興國三年歲次戊寅十一月癸未朔十四日丙申攝太尉皇弟廷美等頓首言曰陛下挺生奇表誕膺元貺鍾五行之秀氣受三靈之眷命肇自晉邸入纂皇圖恭勤日躋孝友天縱對越穹昊秉茲小心駕御英雄恢以大度言未出口化馳若神心之所之威重千里奄茲萬國逮茲三年勾吳盡室以來朝闕越稽顙而獻地海隅徭強之長浙右狡獪之俗不勞拚簡之召悉歸輿地之圖百年污俗一夕

玉變至於遠夷之國漢北之人奉琛外府述職有司者蓋無虛月矣
群臣等沐浴元澤瞻望濟光如戴天焉不知其高如飲海焉徒極其
量且夫太上立德非名言之所及三五建號有皇帝之尊稱相與測
寸管以窺設寸表以度詠天地之大德睇日月之末光僉以為陛下
應運以居中統天而垂教總萬幾以聖燭萬寓以明裁成以文成之
以武天工帝力群臣豈得而知屈已徇人上聖之所不免至于天請
始曰俞哉臣等因肆類之克終屆在宥之方始仰藉執之德馨拳拳
之心謹與文武百官諸軍將校蕃夷酋長縉耆等凡七千四百
五十四人不勝大願奉玉冊玉寶上尊號曰應運統天聖明文武皇
帝伏惟陛下順考古道對揚鴻休克綏萬邦永錫純嘏臣等誠歡誠
抃頓首頓首

崇文廣武聖明仁孝皇帝冊文

維咸平二年歲次己亥十一月庚辰朔七日丙戌攝太尉兵部尚書
平章事張鄴賢與内外文武百寮諸軍將校蕃夷君長等再拜稽首
上言曰臣等聞承天序以臨民播神功而育物符命昭晰道德敷聞
非鴻名無以表其尊非顯號無以明乎大蓋王者法與蓋於天地聖
人運舒憐於生成上以答宗廟之靈口以副人神之望伏惟皇帝陛
下握圖御極觀妙宅中續二聖之丕休兼列辟之通術制事以簡御
衆以寬天成載口人述日用奉宗祏盡尊尊之禮叙昭穆示親親之
慈至於蠲庸調之迹懸削條章之靡家窮神設教便俗立防內口公
卿外咨岳牧音夫相履畝有餘粮廷尉上言府無積口遠口來秋諱
武榮臺觀兵視學崇儒右文宣化非煙翥野恟氣凝霄昭格之功與
時俱茂耀臨之德與天比隆此所謂神明胥悅天人交應者也繇是
夷夏臣庶不謀而集成以為嘉運累洽鴻猷之塞宜受尊稱以符至

公群賢翕然疏封五上輿情難奪帝命乃俞夫昭德塞違柔遠綏近
成均誦道宣室禮賢七萃訓戎五營練卒邊城弛析絕域銷烽大聖
以叶三靈大明以熙百度以仁克己復禮以孝奉先承統該摠徽美
煥盈宇宙臣等不勝大願謹奉玉冊玉寶上尊號曰崇文廣武聖明
仁孝皇帝伏惟陛下膺寶命於中夏答祺祥於上元跨越文景焜煌
羲軒百祉斯永九齡克延無疆之慶億萬斯年臣等誠歡誠慶頓首
頓首謹言

崇文廣武儀天尊道寶應章感聖明仁孝皇帝冊文

大中祥符元年

十二月

辛卯

維大中祥符元年歲次戊申十二月丁亥朔五日辛卯攝太尉工部
尚書平章事臣王旦與內外文武百官馬步諸軍將校及藩夷酋長
緇黃耆艾等再拜稽首上言臣等聞陟園丘而禪方澤所以勅崇垂

鴻鉞金板而書玉牒所以飛敷騰寔非蒼靈交感無以
夏宅心無以建顛蹶故齊聖合德必有發揮天意人欲不可推拒至
於踐八九之遐迹兼三五之徽稱擁百神之休為列辟之首者何莫
由斯道也伏惟崇文廣武聖明仁孝皇帝陛下德富天覆英威霆斷
宅中黃而握祕紀席蘿園而操絕瑞撫臨寰海十有二載清心而思
道正身而率下茂陶唐欽明之姿敦有虞忠利之教體禹之勤儉而
未嘗滿假法湯之寬仁而濟之勇智周武慈和而人神胥悅漢高豁
達而小大畢力矧復誦求令典咨度善言建大中於民極刑敷教于
內治物色遺彥體貌宗工重慎一成之文辨明三至之謗仁風溥暢
玉度清夷乃者邊候弗寧疆吏致告戎衣徂征武節焱厲揚威以靖
亂修明而綖好包束干戈示不復用撫和荒遠如樂之諧此漢宣之
功光祖宗也先園俯邁時思罔極梓麻修謁奠獻悲涕覽松楸而勤

止閱脂澤而優然此顯宗之孝通神明也故得淵監儲祉祺祥昭吞
齋居乙夜示彤鑾之期靈門旭旦垂圖書之錫况施殊尤眷命深厚
爰徇臣民之請乃修曠絕之禮協吉日厯岱宗親至上封謁款太一
陳信辭於金策銘休功於翠崖彰帝王之盛節為天下之壯觀誠千
載之一時也于是群卿庶尹虎臣爪士閭里耆艾夷邸苗渠咸伏闕
而言曰陛下膺圖纂服紹休聖緒昭姓考瑞結誠先志誠宜述宣鴻
德著于徽冊端委法坐祇受尊名茲事體大不可闕也陛下猶以攝
挹冲讓至于五請始曰俞哉夫體元則大之謂儀天抱一守柔之謂
導道寶命元應之謂輔德明章通感之謂合符臣等不勝大願謹奉
玉冊玉寶上尊號曰崇文廣武儀天尊道寶應章感聖明仁孝皇帝
伏惟陛下總清明之妙用賡希夷之至言生成而不宰勞謙而益尊
永錫難老垂裕後昆增重九島比隆黃軒巨旦等誠歡誠抃頓首頓

首謹言

崇文廣武感天尊道應真祐德上聖欽明仁孝皇帝冊文

元年正月

辛亥

維天禧元年歲次丁巳正月辛丑朔十一日辛亥攝太尉天書儀衛使恭上寶冊南郊恭謝大禮使司空兼門下侍郎平章事王旦與內外文武百寮諸軍將校藩衛牧伯群縣官吏蕃夷酋長僧道耆壽等再拜稽首上言曰臣等聞太上元始道之宗也應物而強名穹昊清明天之體也因時而表德惟重熙之嘉會集三靈之休應廣天悠久法象昭著增簡冊之徽烈繫天人之合符伏惟崇文廣武儀天尊道寶應章感聖明仁孝皇帝陛下睿知淵凝聖謨天遠恭睦而敦敏文明而柔克恢太平大定之業慎持盈守成之戒孝德本乎善繼時雍始於惇叙典禮樂以布玉澤則異俗咸懷輯典章以恢邦教則時文

載郁萬方在宥百志惟熙海外暢清淑之風寰中歸仁壽之域尚以乾
符紛委坤珍紹至故升中于天而禮岱社報本乎地而享汾睢廣虞
巡之威秩舉漢祠之合祛馨德格於上下介福浹於遐邇既而作靈
宮以模太紫為至神之攸處推尊名以周羣嶽寔前載之未有是以
穹靈乃顧高真存降協夢雲紀親神汾水啓仙源於太古諭寶麻
於無彊而復崇毫鳴鸞祈禱而濟物睢陽按蹕尊祖而建都寅奉明
威昭報繁錫稽得一善成之道崇生口為大之名徽章極於範圍盛
則踰於載籍溥天率土鼓舞稱慶由是圖首方足不謀而同以為神
貺茲章清寧之所輔帝緒日遠商周之莫京賞善是圖邦國之大業
盛美純備兆庶之欣戴竊惟稱謂未昭熱鑠敢稽古訓式遵群心詔
旨下臨深形謙拒至于五請始奉帝俞夫克世玉基惟新受命感天
也膺錄協期躋俗歸厚應真也燕翼有初蕃衍惟永佑德也高視絕

契為之稱首上聖也。齊明虛受克念則哲欽明也。矧以獻歲初吉奉冊於殊庭次辛協辰升禋于吉土方交舉於盛節宜誕膺於茂典率嶺眾懇俯伏丹闕復露章五上冀行前詔陛下不獲已而從之臣等不勝大願謹奉玉冊玉寶上尊號曰崇文廣武感天尊道應真佑德上聖欽明仁孝皇帝伏惟陛下總列辟之令猷紹九皇之至德保佑黎獻錫羨千億與天比崇萬壽無極臣旦等誠歡誠抃頓首頓首